



Inatsisartunut ilaasortaq Malene Vahl Rasmussen,
Demokraatit

**Ulloq 7. oktober 2020 apeqqarissaarnermi naatsorsuuserinermut
atortorissaarutip taarsigassarsianut sulianik isumaginninnera pillugu
apeqqutinnut akissut**

Brevdato: 15-10-2020
Sags nr. 2020 - 19098

Ulloq 7. oktober 2020 namminersorlutik oqartussat naatsorsuuserinermut
atortorissaarutaata pisoqqap nutaallu taarsigassarsianut sulianik isumaginnissinnaaneri
pillugit Naalakkersuisoq Karl Frederik Danielsenimut apeqquteqarputit.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Massakkut taarsigassarsianut suliati suli naatsorsuuserinermut atorrorissaarutitoqqap
XAL-ip ilaanit isumagineqarput. XAL-imi taarsigassarsianut ilaani akilersuinerit
akilersuutinillu akiligassanngortitsinerit isumagisinnaanngimmagit, allaffissornikkut
periutsit taarsigassarsiat ilaasa akiligassanngortinneqartut naatsorsuuserinikkut
eqqortumik passunneqarnissaanut periusissiorqarpoq. Taarsigassarsianut
isumaginniffiup paasissutissat naatsorsuuserinermi atorrorissaarummut nutaamut
ivertinneqartartut nassiuttarpai.

Naatsorsuuserinermi atorrorissaarut nutaaq Prisme nalinginnaasumik taarsigassarsianut
passussivilerlugu tunineqarneq ajorpoq. Taarsigassarsianut passussivik
namminersorlutik oqartussat taarsigassarsiarititaanik passussisinnaanermut
atorulersugaannginnera pissutigalugu pisiarineqanngilaq.

Piffissaq ungasissumut aaqqiineq tassaassaaq taarsigassarsianut suliassat
taarsigassarsisitsinermi atorrorissaarut nutaamut nuunneqarnerat. Taarsigassarsianut
atorrorissaarummik nutaamik pissarsiniarnissaq sulissutigineqarpoq,
maannakkuugallartorli suli aalajangertoqanngilaq. Taarsigassarsianut atorrorissaarut
nutaami taarsigassarsiat siunissami akilersorneqartussat passunneqarnissaanut
ikorfartuisunik imaqassaaq, tassani ernialersuinerimik akilersuutinillu aqutsinerup
pitsanngorsarnissaanik isumannaarineq ilanngullugu.

Taarsigassarsianut atorrorissaarut nutaamik nassaarniarneq unammilligassartaqarpoq,
Namminersorlutimmi Oqartussat taarsigassarsiat assigiinngitsunik ingerlatsippit,
taakkulu tapiissutaapput, soorlu assersuutigalugu taarsigassarsiat
ernialersorneqanngitsut taarsersugassaanngitsullu. Taarsigassarsianut atorrorissaarutit
amerlanerpaat pissutsinik taamaattunik passussisinnaanngorlugit sanaajunngillat.

Inussiarnersumik inuulluaqqusillunga


Vittus Qujaukitsog